



Pranuar / Dorezuar Primitjeno/Prodato Received/Delivered	04-06-2021	1	viti god year
Organ /Rrjesja Organ /Jedinica Org./Unit	Nr. Prot Br. Prot Prot No	Shtesa Prilog Appendix	Sasia Kolicina Quantity
SKINSAR	2884/2021		115



Republika e Kosovës  
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.415/2021

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave në përbërje nga: Arben Mehmeti-kryetar, Eshref Shabani dhe Malsore Gashi Bajraktari-anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, sipas Aktgjykimit A.nr.2738/2019 të Gjykatës Themelore në Prishtinë-Departamenti për Çështje Administrative të datës 29.04.2021, ka shqyrtuar ankesën me numër A.nr.534/2019 të datës 10.09.2019 të parashtruar nga ankuesi me adresë banimi: Lagja Kalabria në Komunën e Prishtinës, kundër Vendimit me Nr. Prot: 174 të datës 15.08.2019 të Komisionit për Zgjidhjen e Kontesteve dhe Ankesave të Administratës Tatimore të Kosovës, në çështjen juridike “kontestim konkursi”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 04.06.2021, mori këtë:

V E N D I M

- I. REFUZOHET si e bazuar ankesa me numër A.nr.534/2019 e datës 10.09.2019 e parashtruar nga ankuesi
- II. MBETET në fuqi Vendimi me Nr. Prot:174 i datës 15.08.2019 i Komisionit për Zgjidhjen e Kontesteve dhe Ankesave të Administratës Tatimore të Kosovës.

A r s y e t i m

Administrata Tatimore e Kosovës, me datë 17.05.2019 ka parashtruar kërkesën për fillim të rekrutimit tek Ministria e Administratës Publike, ndërsa Departamenti i Administrimit të Shërbimit Civil/Ministria e Administratës Publike, më datë 24.05.2019 ka aprovuar kërkesën e Administratës Tatimore të Kosovës.

Administrata Tatimore e Kosovës duke u bazuar në autorizimin e lartcekur, më datës 28.05.2019 ka shpall konkursin e brendshëm për (avancim) për pozitën “Udhëheqës i Ekipit në ATK-8 pozita” në kuadër të Drejtorive Rajonale, në të cilin konkurs ka aplikuar edhe kandidati i cili ka marr pjesë në fazat e procedurës së rekrutimit. Pas përfundimit të procedurës së rekrutimit

Administrata Tatimore e Kosovës më datë 28.06.2019 ka bërë publikimin e njoftimin për kandidatët e suksesshëm në bazë të të cilës ankuesi nuk është kandidat i rekomanduar për pozitën e lartcekur.

Ankuesi i pakënaqur me njoftimin e datës 28.06.2019 për kandidatët e suksesshëm më datë 24.07.2019, ka parashtruar ankesën me Nr. Prot:11-06-3076 në Komisionin për Zgjidhjen e Kontesteve dhe Ankesave, tek Administrata Tatimore të Kosovës.

Komisioni për Zgjidhjen e Kontesteve dhe Ankesave i Administratës Tatimore të Kosovës, me datë 15.08.2019 ka nxjerr Vendim me Nr. Prot:174 me të cilin ka refuzuar ankesën e ankuesit duke lënë në fuqi njoftimin e datës 28.06.2019.

Ankuesi, pakënaqur me Vendimin me Nr. Prot:174 të datës 15.08.2019 të Komisionit për Zgjidhjen e Kontesteve dhe Ankesave të Administratës Tatimore të Kosovës, bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 10.09.2019 ka parashtruar ankesë me numër protokoli 4264/2019, në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, më datë 18.09.2019 ka dërguar kërkesën për përgjigje në ankesë tek Administrata Tatimore e Kosovës, ndërsa më datë në 14.10.2019 Këshilli ka pranuar përgjigjen në ankesë nga Administrata Tatimore e Kosovës.

Këshilli i Pavarur Mbikëqyrës për Shërbimin Civil të Kosovës, nga muaji janar i vitit 2019 deri në tetor 2020, ku me datë 08.10.2020 janë zgjedhur 5 anëtar të Këshillit ndërsa me datë 14.10.2020 janë themeluar kolegjet profesionale, ka qenë jo funksional dhe nuk ka vendosur për ankesën e ankuesit, ndërsa më datë 24.10.2019, Këshilli i Pavarur Mbikëqyrës për Shërbimin Civil të Kosovës ka njoftuar ankuesin për arsyet e mos shqyrtimit të ankesës duke udhëzuar që mund të ndiqni procedurat e mëtejme dhe se në pajtim me Ligjin për Konfliktin Administrativ mund të filloni procedurën gjyqësore pranë Gjykatës Themelore në Prishtinë-Departamenti për Çështje Administrative.

Ankuesi ka ndjekur procedurat e tjera duke iniciuar konflikt administrativ pranë Gjykatës Themelore në Prishtinë-Departamenti për Çështje Administrative. Gjykata Themelore në Prishtinë-Departamenti për Çështje Administrative më datë 16.04.2021 ka nxjerr Aktgjykim A.nr.2738/19 me të cilin ka aprovuar kërkesëpadinë e paditësit duke anuluar njoftimin e Këshillit të Pavarur Mbikëqyrës për Shërbimin Civil të Kosovës të datës 24.10.2019 dhe duke e detyruar Këshillin e Pavarur Mbikëqyrës për Shërbimin Civil të Kosovës që brenda 30 ditësh të vendos për ankesën e datës 10.09.2019.

Kolegji për shqyrtimin e ankesave, për marrjen e vendimit meritor ka administruar këto prova: Ankesën me numër protokoli 4266/2019 të datës 10.09.2019 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Ankesa e datës 24.07.2019 me Nr. Prot: 11-06-3076 e parashtruar nga ankuesi në Komisionin për Zgjidhjen e Kontesteve dhe Ankesave të Administratës Tatimore të Kosovës; Vendimin me numër prot: 174 të datës 15.08.2019 të Komisionit për Zgjidhjen e Kontesteve dhe Ankesave të Administratës Tatimore të Kosovës; Konkursin e brendshëm të datës 28.05.2019 për pozitën "Udhëheqës i Ekipi në ATK-8 pozita" i shpallur nga ATK; Njoftimin me Nr. Prot: 322 i datës 11.06.2019 për kandidatët për testimin nga përzgjedhja e ngushtë i dorëzuar nga ankuesi; Njoftimi i datës 28.06.2019 për kandidatët e suksesshëm; Formularin për vlerësimin e rezultateve në punë për vitin 2018 për ankuesin; Formularin për

vlerësimin e rezultateve në punë për vitin 2017 për ankuesin; Kërkesa për përgjigjen në ankesë e datës 18.09.2019; Përgjigjen në kërkesë e datës 15.10.2019 e protokolluar në Këshill me numër 4849/2019; Kërkesën për fillimin e procesit të rekrutimit i datës 17.05.2019; Autorizimi i datës 24.05.2019 i lëshuar nga Departamenti i Administrimit të Shërbimit Civil/Ministria e Administratës Publike; Miratimin për publikimin e rekrutimit të brendshëm( Avancim) i datës 27.05.2019; Vendimin me Nr. Prot:277 i datës 05.06.2019 për emërimin e Komisionit Përzgjedhës të Shërbimit Civil; Deklaratën lidhur me emërimin e Komisionit Përzgjedhës të Shërbimit Civil e datës 05.06.2019; Formularin për regjistrin e kërkesave të pranuar; Form.MAP-SHCK-05 për përcaktimin e kriterëve për përfshirje në listën e ngushtë; Njoftimin me Nr. Prot: 322 i datës 11.06.2019 për kandidatët për testimin nga përzgjedhja e ngushtë i dorëzuar nga ATK; Formulari Form.MAP-SHCK-05/b për ranglistën përfundimtare sipas rezultateve të testit me shkrim e datës 14.06.2019; Njoftimin e datës 18.06.2019 për mbajtjen e intervistës me gojë; Formularin Form.MAP-SHCK-09 për përmbledhjen e vlerësimeve individuale; Formularin Form.MAP-SHCK-10 për renditja përfundimtare të kandidateve; Formularin Form.MAP-SHCK-11 për raportin final me rekomandim nga Komisioni Rekrutues; Njoftimi për kandidatin e suksesshëm i datës 28.06.2019; Kërkesa për punësim e ankuesit e datës 31.05.2019; Diplomën me nr.56 të datës 25.09.2005; Çertifikatën e datës 24.07.2018; Çertifikatë e ShKÇAK e muajit dhjetor të vitit 2008; Diplomën e datës 26.02.2009; Çertifikatë e datës 24.02.2011; Çertifikatë e datës 12.11.2010; Çertifikatë e datës 11.10.2013; Akt Emërimi i datës 01.05.2014; Letër referencë e datës 31.05.2019 nga z. \_\_\_\_\_ për ankuesin; Letër referencë e datës 31.05.2019 nga z. \_\_\_\_\_ për ankuesin; kopja e letër njoftimit të ankuesit; vendimin më numër: 39 të datës 12.01.2018; E-mailin e datës 17.03.2017; Testi me shkrim i ankuesit i datës 12.06.2018; Aktgjykimit A.nr.2738/2019 të Gjykatës Themelore në Prishtinë-Departamenti për Çështje Administrative të datës 29.04.2021; Njoftimin e datës 24.10.2019; E-mailin e datës 24.10.2019 dërguar nga \_\_\_\_\_ Udhëheqëse e Personelit në Administratën Tatimore të Kosovës për KPMSHCK; E-mailin e datës 07.05.2021 dërguar nga \_\_\_\_\_ Udhëheqëse e Personelit në Administratën Tatimore të Kosovës për KPMSHCK.

Kolegji për shqyrtimin dhe vendosjen e ankesave, pasi ka shqyrtuar të provat e lëndës të ofruara nga palët në procedurë, ka konstatuar që ankesa e ankuesit \_\_\_\_\_ është e pabazuar, *sepe*:

Kolegji për shqyrtimin dhe vendosjen e ankesave, ka shqyrtuar pretendimet ankimore të ankuesit i cili pretendon se: Komisioni përzgjedhës ka vepruar në kundërshtim me Rregulloren Nr.02/201 për Procedurat e Rekrutimit në Shërbimin Civil ngase ka përfshirë në listën e shkurtër persona që nuk kanë aplikuar fare për këtë pozitë siç është rasti i personit \_\_\_\_\_ i cili është ftuar për të ju nënshtruar testit me shkrim dhe procedurave tjera të rekrutimi; Përpilimi i pyetjeve të testit me shkrim ka qenë në kundërshtim me Rregulloren 02/2010 neni 33 paragrafi 4 si dhe nuk jemi njoftuar për rezultatin e procedurës së rekrutimit siç e përcakton Rregullorja Nr.02/2010 për Procedurat e Rekrutimit në Shërbimin Civil; Administrata Tatimore e Kosovës konkursin për pozitën "Udhëheqës i Ekipit ATK-8 pozita) nuk e ka shpall në ËEB faqen e institucionit; Testi me shkrim ka pasur dy pyetje të njëjta si dhe Nuk jemi njoftuar për rezultatin e procedurës së rekrutimit.

Kolegji për shqyrtimin dhe vendosjen e ankesave, lidhur me pretendimin ankimor të ankuesit i cili pretendon se Administrata Tatimore e Kosovës konkursin për pozitën "Udhëheqës i Ekipit ATK-8 pozita" nuk e ka shpall në ËEB faqen e institucionit, ka konstatuar që në bazë të provave të lëndës Menaxherja e Personelit në Administratën Tatimore të Kosovës znj. \_\_\_\_\_ më datë 28.05.2019 ka njoftuar me e-mail të gjithë stafin e Administratës Tatimore të Kosovës se është shpallur konkursi për Udhëheqës të Ekipit në ATK 8 pozita dhe i njëjti është i hapur nga data



28.05.2019 deri më datë 04.06.2019 duke i ftuar të gjithë të interesuarit që plotësojnë kushtet të aplikojnë, kështu që bazuar në këtë meqenëse konkursi për pozitën "Udhëheqës i Ekipit ATK-8 pozita) ka qenë i brendshëm atëherë në kuptim të kësaj neni 5 paragrafi 1 i Rregullores Nr. 21/2012 për Avancimin në Karrierë të Nëpunësve Civil përcakton se: *"Shpallja për avancim bëhet nga njësia e personelit brenda institucionit përkatës në vendet e përshtatshme ku kanë qasje të gjithë nëpunësit civilë"*, bazuar në këtë meqenëse i gjithë stafi i Administratës Tatimore të Kosovës ka qenë i njoftuar me e-mail që është hapur konkursi i brendshëm, vlerësojmë që nuk ka shkelje procedurale në këtë aspekt dhe pretendimet ankimore të ankuesit janë të pabazuara.

Kolegji për shqyrtimin dhe vendosjen e ankesave, lidhur me pretendimin ankimor të ankuesit i cili pretendon se testi me shkrim ka pasur dy pyetje të njëjta, ka konstatuar se testi me shkrim për pozitën "Udhëheqës i Ekipit ATK-8 pozita" është mbajtur më datë 13.06.2019 dhe testi ka qenë i përbërë nga tri (3) pjesë, dhe janë paraparë numër i mjaftueshëm i pyetjeve siç parashihet me nenin 36 paragrafi 1 nën paragrafët 1.1, 1.2 dhe 1.3 të Rregullores Nr. 02/2010 për Procedurat e Rekrutimit në Shërbimin Civil, rrjedhimisht të gjitha pyetjeje për të gjithë kandidatët kanë qenë të njëjta dhe vlerësimi është bërë për të gjithë njëjtë në pajtim me nenin 37 të kësaj rregulloreje.

Kolegji për shqyrtimin dhe vendosjen e ankesave, lidhur me pretendimin ankimor të ankuesit i cili pretendon se nuk ka pasur zgjatje të afatit në këtë konkurs, ka konstatuar se meqenëse kanë qenë të njoftuar i gjithë stafi i Administratës Tatimore të Kosovës për shpalljen e këtij konkursi atëherë nuk ka pasur asnjë arsye të bëhet vazhdimi i këtij konkursi, sepse të gjithëve iu është dhënë e drejta e barabartë për të aplikuar në këtë konkurs, në këtë rast janë përfillur të gjitha procedurat ligjore në fuqi, kështu që pretendimi i ankuesit është i pabazuar.

Kolegji për shqyrtimin dhe vendosjen e ankesave, lidhur me pretendimin ankimor të ankuesit i cili pretendon se kandidati ka kaluar testin me shkrim dhe është ftuar në testin me gojë pa aplikuar fanë në këtë pozitën, ka konstatuar që në bazë të regjistrimit të aplikacioneve të pranuar ky kandidat nuk ka aplikuar në pozitën Udhëheqës i Ekipit në ATK në 8 pozita, mirëpo në ditën e mërkurë të muajit qershor të vitit 2019 Menaxherja e Personelit në Administratën Tatimore të Kosovës ka njoftuar z. se *"gjatë njoftimit për test me shkrim tek pozita Udhëheqës Ekipi Drejtorit Rajonale është tësnuar gabim teknik. Ju keni aplikuar për pozitën Udhëheqës Ekipi DTM dhe duhet të jeni në listën e DTM-së. Ju njoftoj se testi me shkrim për pozitën Udhëheqës Ekipi ATK-DTM do të mbahet ditën e enjte datë 13.06.2019 me fillim nga ora 10:00h. Testi mbahet në Sallën e DTM-së"*, bazuar në këtë por edhe në të gjitha provat e lëndës, ky kandidat ka aplikuar vetëm në pozitën Udhëheqës Ekipi në DTM dhe nuk ju ka nënshtruar testit për pozitën Udhëheqës i Ekipit në ATK në 8 pozita sepse nuk ka asnjë dëshmi për këtë, për më tepër tek lista përfundimtare e rezultateve të testit me shkrim nuk figuron emri i z. kështu që në bazë të provave të lëndës është bërë vetëm gabim teknik ndërsa, nga Menaxherja e Personelit e Administratës Tatimore të Kosovës është përmirësuar gabimi, dhe ky kandidat i është nënshtruar testit me shkrim vetëm për pozitën Udhëheqës Ekipi në DTM, këtë e dëshmon edhe ranglista përfundimtare sipas rezultateve të testit me shkrim, kështu që pretendimi i ankuesit është i paqëndrueshëm.

Kolegji për shqyrtimin dhe vendosjen e ankesave, lidhur me pretendimin ankimor të ankuesit i cili pretendon se nuk jemi njoftuar me shkrim për rezultatin përfundimtar, ka konstatuar që lidhur me rezultatin përfundimtar palët që kanë marr pjesë në procedurën e rekrutimit janë njoftuar sipas procedurave të nenit 41 të Rregullores Nr. 02/2010 për Procedurat e Rekrutimit në Shërbimin Civil.



Kolegji për shqyrtimin dhe vendosjen e ankesave, lidhur me të gjitha ato që u thanë më lartë, ka konstatuar se procedura e rekrutimit për pozitën Udhëheqës i Ekipit në ATK në 8 pozita, është zhvilluar në pajtim edhe me nenin 18 paragrafin 1 të Ligjit Nr. 03/L-149 për Shërbimin Civil të Republikës së Kosovës, i cili përcakton se: *“Pranimi në Shërbimin Civil mbështetet në parimet e meritës, me shpallje publike të pozitave të lira, me transparencë të procesit, me objektivitet dhe paañsinë e komisionit testues, mos diskriminimin e kandidatëve dhe të drejtën për t’u ankuar në fund të procedurës”*, dispozitat e Rregullores Nr. 02/2010 për Procedurat e Rekrutimit në Shërbimin Civil dhe Rregullores Nr. 21/2012 për Avancimin në Karrierë të Nëpunësve Civil.

Kolegji për shqyrtimin dhe vendosjen e ankesave, ka konstatuar se Komisioni për Zgjidhjen e Kontesteve dhe të Ankesave i Administratës Tatimore të Kosovës, me nxjerrjen e Vendimit me Nr. Prot:174 të datës 15.08.2019, ka vendosur në pajtim me nenin 48 të Ligjit për Procedurën e Përgjithshme Administrative pasi që ka shqyrtuar në tersi pretendimet ankimore të ankuesit në ankesë, duke vepruar në pajtim me dispozitat e nenit 48 paragrafit 2 të Ligjit Nr. 05/L-031 për Procedurën e Përgjithshme Administrative, si rrjedhojë ka vepruar edhe në pajtim me dispozitat e të Ligjit Nr. 03/L-149 për Shërbimin Civil të Republikës së Kosovës dhe Rregullores Nr. 05/2011 për Procedurat e Zgjidhjes së Kontesteve dhe Ankesave, sepse ka vërtetuar gjendjen faktike dhe bazën juridike.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 6 paragrafin 1 nën paragrafi 1.1 dhe nenin 18 paragrafi 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij Vendimi.

Vendimi hyn në fuqi me datën e nënshkrimit nga Kryetari të Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë – Departamenti Administrativ, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

**Këshilli i Pavarur Mbikëqyrës për Shërbimin Civil të Kosovës**  
**Lënda me numër A.nr.415/2021**

**Flakron GASHI**

*Zyrtar i Lartë për Bashkëpunim Profesional*



**Vendimi i dërgohet**

- Ankuesit
- Drejtorit të përgjithshëm të administratës tatimore të Kosovës
- Udhëheqësit të Personelit të Administratës Tatimore të Kosovës
- Arkivit të KPMSHCK-së